



**Broj: 01-185/16**  
**Vareš, 29.12. 2016. godine**

**Z A P I S N I K**  
**s Konstituirajuće – 1. sjednice Općinskog vijeća Vareš,**  
**održane 29.11. 2016. godine**

Zdravko Marošević – predsjedavajući OV iz prethodnog saziva Općinskog vijeća Vareš obratio se prisutnim i pozdravio sve prisutne, građane, medije i čestitao novoizabranim vijećnicima.

Otvorio je Konstituirajuću – 1. sjednicu s početkom u 16,00 sati, u velikoj sali Općine Vareš.

**Prisutni novoizabrani vijećnici:** Ajanović Mirnes, Čizmo Adis, Džafo Dženan, Fatić Ilhana, Islamović Emir, Kamenjaš Alma, Kamenjaš Kenan, Kevrić Đemo, Kuhar Darija, Marošević Mario, Mirčić Mario, Muftić Safeta, Mušanović Nedžad, Riđić Kruno, Romić Branko, Rožajac Elvir, Šimić Nikola i Turki Fadila.

**Odsutni –** Brkić Mahira.

Pored vijećnika sjednici prisustvuju: Općinski načelnik – Zdravko Marošević, sekretar Općinskog vijeća - Leon Pavlović, šef Kabineta Općinskog načelnika – Ibrahim Spahić, pomoćnici općinskog načelnika – Ermin Musa, Čedomir Jelić i Rusmir Berberović, predsjednici političkih stranaka, predsjednik UO JPU „Dječije obdanište“ Vareš – Kasim Fatić, građani i predstavnici medija.

**Ad. 1.**

*(Odluka Centralne izborne komisije BiH o potvrđivanju rezultata lokalnih izbora 2016. godine i Informacija Općinske izborne komisije Vareš o provedenim lokalnim izborima u BiH 02.10.2016. godine na području općine Vareš).*

Predsjedavajući OV konstatovao je da je Vijeće **primilo k znanju** Odluku Centralne izborne komisije BiH o potvrđivanju rezultata lokalnih izbora 2016. godine i Informaciju Općinske izborne komisije Vareš o provedenim lokalnim izborima u BiH 02.10.2016. godine na području općine Vareš

## **Ad. 2.**

*(Davanje i potpisivanje SVEČANE IZJAVE i IZJAVE o upoznavanju i prihvatanju Etičkog kodeksa od strane vijećnika s ovjerenim mandatima)*

Predsjedavajući OV pozvao je novoizabrane vijećnike da pristupe davanju svečane izjave. Upoznao je prisutne da je vijećnica SBB stranke Mahira Brkić, kojoj je dodijeljen mandat isti odbila. Predsjedavajući OV pristupio je čitanju teksta **Svečane izjave**, a svi vijećnici su zajednički dali, a nakon toga pojedinačno potpisali **Svečanu izjavu**.

Vijećnici su pojedinačno potpisali i Izjavu o upoznavanju i prihvatanju Etičkog kodeksa u budućem radu.

Zdravko Marošević u funkciji predsjedavajućeg OV u starom sazivu, čestitao je novoizabranim vijećnicima i zaželio im uspješno obavljanje vijećničkih obaveza. Zahvalio se na suradnji svim suradnicima, pomoćnicima, Jedinstvenom općinskom organu kao i svim građanima općine Vareš.

Sekretar OV Leon Pavlović čestitao je novoizabranim vijećnicima i zaželio im uspješan rad i dobru saradnju sa Stručnom službom Općinskog vijeća.

## **Ad. 3.**

*(I z b o r i:)*

### *a) Komisija za izbor i imenovanje*

Poslovníkom o radu Općinskog vijeća Vareš predviđeno da Komisija za izbor i imenovanje broji po jednog vijećnika iz svake političke stranke koja je zastupljena u OV, a stranke su dostavile prijedloge svojih kandidata, što je usaglašeno na međustranačkom sastanku.

Predsjedavajući je otvorio raspravu o Prijedlogu Rješenja, kojeg su vijećnici dobili u materijalu.

U raspravi je učestvovala vijećnica Turki Fadila i postavila pitanje u vezi broja članova Komisije, na koje joj je i odgovoreno i dato pojašnjenje.

Nije više bilo učesnika u raspravi i predsjedavajući OV stavio je na izjašnjanje Prijedlog Rješenja o izboru članova Komisije za izbor i imenovanja.

Nakon izjašnjanja vijećnika predsjedavajući OV konstatuje da je **jednoglasno doneseno (18 glasova „ZA“)**

### *Rješenje o izboru članova Komisije za izbor i imenovanja*

i izabrani su:

- 1. Muftić Safeta, predsjednica – SBB,**
- 2. Džafo Dženan, zamjenik – DF,**
- 3. Kamenjaš Alma, član – SDA,**
- 4. Šimić Nikola, član – HDZ,**
- 5. Ajanović Mirnes, član – SDP,**
- 6. Kevrić Đemo, član – BPS,**
- 7. Turki Fadila, član – SPU i**
- 8. Rožajac Elvir, član – NS.**

### *b) Izbor predsjedavajućeg Općinskog vijeća Vareš*

Komisiji su pristigla tri pismena prijedloga od stranaka zastupljenih o OV i to:

-za predsjedavajućeg OV – Kamenjaš Kenan prijedlog stranke SDA i

-za zamjenika predsjedavajućeg OV – Romić Branko prijedlog stranke SDP i Kruno Ridić prijedlog stranke DF.

Predsjedavajući OV pozvao je vijećnike i predsjednike političkih stranaka da se izjasne ako neko ima nove prijedloge za kandidate za predsjedavajućeg i zamjenika predsjedavajućeg OV.

Vijećnik Mario Mirčić ispred **Kluba HDZ** predložio je za poziciju **zamjenika predsjedavajućeg OV vijećnika Nikolu Šimić**.

Vijećnik Branko Romić ispred Kluba SDP izjavio je da **Klub SDP odustaje od prijedloga kandidata za zamjenika predsjedavajućeg OV**.

Nije više bilo prijedloga i predsjedavajući OV dao je pauzu u trajanju od 10 minuta kako bi Komisija za izbor i imenovanja razmotrila prijedloge za predsjedavajućeg i zamjenika predsjedavajućeg Općinskog vijeća.

Nakon pauze i održane sjednice Komisije za izbor i imenovanje, Vijeće je nastavilo sa radom sjednice.

Predsjedavajući OV upoznao je prisutne sa Zapisnikom Komisije za izbor i imenovanje, a isti je podijeljen i predsjednicima Klubova u OV.

Komisija je predložila da se o kandidatu za predsjedavajućeg OV – Kenan Kamenjaš – SDA izjasni Općinsko vijeće, kao i za kandidate za zamjenika predsjedavajućeg Riđić Krunu –DF i Šimić Nikolu-HDZ.

Predsjedavajući OV podsjetio je prisutne na odredbe Statuta Općine Vareš-Prečišćeni tekst i Poslovnika o radu OV, koji se odnosi na način glasanja (tajno ili javno) za predsjedavajućeg i zamjenika predsjedavajućeg OV.

Vijećnik Mario Mirčić predložio je da se Vijeće o izboru predsjedavajućeg OV i zamjenika predsjedavajućeg OV izjasni javnim glasanjem.

Nije više bilo prijedloga o načinu izjašnjavanja i predsjedavajući OV stavio je na izjašnjavanje prijedlog vijećnika Maria Mirčić da se izbor vrši javnim glasanjem.

Nakon izjašnjavanja vijećnika predsjedavajući OV konstatuje da je Vijeće **jednoglasno (18 glasova „ZA“) prihvatilo prijedlog** da će se o izboru predsjedavajućeg OV i zamjenika predsjedavajućeg OV izjasniti **javnim glasanjem**.

Predsjedavajući OV je konstatovao da kandidat Kenan Kamenjaš prihvata prijedlog za kandidata za predsjedavajućeg OV, te je stavio je na izjašnjavanje prijedlog kandidata **Kenana Kamenjaš – SDA za predsjedavajućeg OV Vareš**.

Nakon izjašnjavanja vijećnika predsjedavajući konstatuje da je prijedlog dobio **12 glasova „ZA“, 3 glasa „PROTIV“ i 3 „SUZDRŽANA“ glasa**.

Predsjedavajući OV konstatuje da je na osnovu izvršenog glasanja, **Kenan Kamenjaš kandidat SDA, izabran za predsjedavajućeg Općinskog vijeća Vareš**.

Zdravko Marošević čestitao je i predao dužnost novoizabranom predsjedavajućem OV Kenanu Kamenjaš.

Novoizabrani predsjedavajući OV Kenan Kamenjaš zahvalio se svima na ukazanom povjerenju. Zamolio je vijećnike da u narednom periodu svi rade na boljem sutra za Vareš i građane. Pozdravio je sve prisutne, građane, goste i čestitao vijećnicima i Općinskom načelniku Zdravku Marošević na novom mandatu.

Predsjedavajući OV Kenan Kamenjaš preuzeo je dalje vođenje sjednice.

c) Izbor zamjenika predsjedavajućeg Općinskog vijeća Vareš

Predsjedavajući OV Kenan Kamenjaš stavio je na javno izjašnjavanje prijedlog kandidata **Ridić Kruno - DF** za zamjenika predsjedavajućeg OV, te nakon izjašnjavanja vijećnika konstatuje da je prijedlog dobio **5 glasova „ZA“, 11 glasova „PROTIV“ i 2 „SUZDRŽANA“ glasa.**

Predsjedavajući OV Kenan Kamenjaš stavio je na javno izjašnjavanje prijedlog kandidata **Šimić Nikola – HDZ** za zamjenika predsjedavajućeg OV, te nakon izjašnjavanja vijećnika konstatuje da je prijedlog dobio **11 glasova „ZA“, 1 glas „PROTIV“ i 6 „SUZDRŽANIH“ glasova.**

Predsjedavajući OV konstatuje da je na osnovu glasanja, a u skladu sa Poslovníkom, **Nikola Šimić kandidat HDZ, izabran za zamjenika predsjedavajućeg Općinskog vijeća Vareš** i zamolio ga da zauzme svoje mjesto.

Predsjedavajući OV dao je riječ Općinskom načelniku Zdravku Marošević da Vijeće i prisutne izvijesti o aktuelnim pitanjima na području općine Vareš.

Općinski načelnik Zdravko Marošević u svom obraćanju izvijestio je prisutne da je prilikom preuzimanja dužnosti Općinskog načelnika 11.11. 2016. godine sačinjen Zapisnik o primopredaji dužnosti uz prisustvo Komisije. U finansijskom izvještaju koji je sačinjen na osnovu podataka iz nadležne službe i propisa finansijskog poslovanja, naveden je dug Općine Vareš koji iznosi 3.498.469,60 KM. U taj iznos uvršten je i dug Općine Vareš za doprinose i poreze prema Poreskoj upravi. O navedenom dugu i dugu prema Poreskoj upravi Općinski načelnik dao je pojašnjenje i izvijestio Vijeće o planiranim i pokrenutim aktivnostima na rješavanju istog. U svom daljnjem izlaganju Općinski načelnik iznio je svoje mišljenje i dao obrazloženje o aktuelnoj problematici na općini Vareš i radu u Jedinstvenom općinskom organu Općine Vareš.

### *Vijećnička pitanja*

#### **Elvir Rožajac**

1. Traži od Općinskog vijeća i Općinskog načelnika da se uputi dopis-urgencija prema firmi koja održava regionalni put da se blagovremeno vrši održavanje istog, te skrene pažnja na odgovornost.
2. Traži od nadležnih da se riješi problem ulične rasvjete koja nedovoljno osvjetljava ulice. O postavljenim pitanjima dao je pojašnjenje.

Općinski načelnik dao je usmene odgovore na samoj sjednici.

#### **Fadila Turki**

3. Traži da se iznađe mogućnost produženja relacije javnog prevoza „Ljaljić turs“ iz Vareš Majdana do naselja Selište.  
(Uputila je sugestiju u vezi javne rasvjete koja se odnosi na aktiviranje i gašenje iste).

Općinski načelnik dao je usmeni odgovor na samoj sjednici.

### **Mirnes Ajanović**

4. Traži od nadležnih da u saradnji sa PS Vareš skrene se pažnja nesavjesnim vozačima kamiona koji parkiraju svoja vozila pored saobraćajnog ogledala u Vareš Majdanu kod uključivanja vozila na glavnu cestu (kod Partizana) i time ugrožavaju sigurnost vozača.

Općinski načelnik dao je usmeni odgovor na samoj sjednici.

### **Emir Islamović**

5. Traži da JKP d.o.o Vareš dostavlja kvartale Izvještaje o analizi kvalitete vode mjesnim zajednicama u kojima vrši upravljanje vodovodima. O postavljenom pitanju dao je pojašnjenje.

Općinski načelnik dao je usmeni odgovor na samoj sjednici.

### **Đemo Kevrić**

6. Traži da se izvrši dovoz posipnog materijala na sve lokalne puteve općine Vareš, a posebno tamo gdje se vrši prevoz učenika.
7. Traži da se izvrši završetak radova javne rasvjete u svim mjesnim zajednicama gdje su započeti prije izbora. O postavljenim pitanjima dao je pojašnjenje.

Općinski načelnik dao je usmene odgovore na samoj sjednici.

### **Kruno Ridić**

8. Kako zaštititi izvorišta voda i kako markirati zone-izvorišta, a da se onemogućiti da se prilikom šumske sječe uništavaju vodovodi.
9. Tko je nadležan za vodovode u mjesnim zajednicama Vareš Majdan, Ravne, Budoželje, Striježevo, Kokošići, Pržići i Daštansko?. O postavljenim pitanjima dao je pojašnjenje.

Općinski načelnik dao je usmene odgovore na samoj sjednici.

Predsjedavajući OV upoznao je Vijeće sa prijedlogom dnevnog reda usaglašenog na međustranačkom sastanku za Konstituirajuću – 1. sjednicu Općinskog vijeća i isti stavio na raspravu.

Ispred ovlaštenog predlagača Ermin Musa pomoćnik načelnika predložio je dopunu dnevnog reda sa tačkom 10. „Prijedlog Programa finansiranja komunalnih djelatnosti za 2017. godinu“ o čemu je dao i pojašnjenje.

Nije više bilo prijedloga za dopunu ili izmjenju prijedloga dnevnog reda, kao ni rasprave o predloženom prijedlogu za dopunu dnevnog reda.

Predsjedavajući OV stavio je na izjašnjavanje prijedlog za dopunu dnevnog reda današnje sjednice, te nakon izjašnjavanja vijećnika konstatuje da je prijedlog **jednoglasno usvojen (sa 18 glasova „ZA“)**.

Predsjedavajući OV stavio je na izjašnjavanje prijedlog dnevnog reda iz poziva za Konstituirajuću – 1. sjednicu OV koji je sa prihvaćenom dopunom dnevnog reda i nakon izjašnjavanja vijećnika konstatuje da je **jednoglasno usvojen (sa 18 glasova „ZA“)**.

**s l i j e d e ć i**

## *Dnevni red*

1. Odluka Centralne izborne komisije BiH o potvrđivanju rezultata lokalnih izbora 2016. godine i Informacija Općinske izborne komisije Vareš o provedenim lokalnim izborima u BiH 02.10.2016. godine na području općine Vareš.
2. Davanje i potpisivanje SVEČANE IZJAVE i IZJAVE o upoznavanju i prihvatanju Etičkog kodeksa od strane vijećnika s ovjerenim mandatima.
3. Izbori:
  - a) Komisije za izbor i imenovanje,
  - b) Predsjedavajućeg Općinskog vijeća Vareš,
  - c) Zamjenika predsjedavajućeg Općinskog vijeća Vareš.
4. Izvještaj/Izvješće o izvršenju budžeta/proračuna Općine Vareš za period januar/siječanj – septembar/rujan 2016. godine.
5. Izvještaj o radu i poslovanju JPU „Dječije obdanište Vareš“ u 2015. godini.
6. Izvještaj/Izvješće o realizaciji Programa rada Općinskog vijeća Vareš, za prvo polugodište 2016. godine.
7. Informacija o stipendiranju i stipendistima općine Vareš u školskoj 2015/2016. godini.
8. Informacija o postignutom uspjehu u školskoj 2015/2016. godini u OŠ „Vareš“, OŠ „Vareš Majdan“ i MSS „Nordbat-2“ Vareš.
9. Informacija o ostvarenoj saradnji i realizovanim projektima NVO sektora sa područja općine Vareš sa posebnim osvrtom na rad udruženja iz oblasti kulture i sporta.
10. Prijedlog Programa finansiranja komunalnih djelatnosti za 2017. godinu.
11. Tekuća pitanja.

### **Ad. 4.**

*(Izvještaj/Izvješće o izvršenju budžeta/proračuna  
Općine Vareš za period januar/siječanj – septembar/rujan 2016. godine.)*

Ispred ovlaštenog predlagача Ermin Musa pomoćnik načelnika dao je kratko pojašnjenje za ovu tačku dnevnog reda.

Otvorena je rasprava u kojoj su svoje stavove, primjedbe, pitanja i mišljenja iznijeli vijećnici: Elvir Rožajac, Kruno Riđić, Emir Islamović, Branko Romić Đemo Kevrić, Mirnes Ajanović i Općinski načelnik Zdravko Marošević koji je odgovorio na pitanja vijećnika postavljena u raspravi i dao dodatna pojašnjenja.

Zaključena je rasprava i predsjedavajući OV stavio je na izjašnjavaње Izvještaj/Izvješće o izvršenju budžeta/proračuna Općine Vareš za period januar/siječanj – septembar/rujan 2016. godine.

Nakon izjašnjavanja vijećnika predsjedavajući OV konstatuje da je sa **11 glasova „ZA“**, **5 glasova „PROTIV“** i **2 „SUZDRŽANA“ glasa usvojen**

***Izveštaj/Izvešće o izvršenju budžeta/proračuna  
Općine Vareš za period januar/siječanj – septembar/rujan 2016. godine***

Predsjedavajući OV na traženje vijećnice Safete Muftić dao je pauzu u trajanju 5 minuta.

Nastavljeno je sa radom sjednice.

**Ad. 5.**

*(Izveštaj o radu i poslovanju  
JPU „Dječije obdanište“ Vareš za 2015. godinu.)*

Otvorena je rasprava u kojoj su svoje prijedloge, primjedbe, sugestije i mišljenja iznijeli vijećnici: Čizmo Adis, Mario Mirčić, Elvir Rožajac i Mirnes Ajanović.

Predsjednik UO JPU „Dječije obdanište“ Vareš Kasim Fatić odgovorio je na pitanja vijećnika postavljena u raspravi i Općinski načelnik koji je iznio svoje mišljenje u vezi diskusije vijećnika Čizmo Adisa.

Zaključena je rasprava i predsjedavajući OV stavio je na izjašnjavanje Izveštaj o radu i poslovanju JPU „Dječije obdanište“ Vareš za 2015. godinu.

Nakon izjašnjavanja vijećnika predsjedavajući OV konstatuje da je sa **17 glasova „ZA“**, i **1 „SUZDRŽANIM“ glasom usvojen**

***Izveštaj o radu i poslovanju JPU „Dječije obdanište“ Vareš za 2015. godinu***

**Ad. 6.**

*(Izveštaj o realizaciji Programa rada Općinskog vijeća  
Vareš za prvo polugodište 2016. godine.)*

Sekretar OV Leon Pavlović dao je dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Đemo Kevrić, Kruno Ridić, predsjedavajući OV Kenan Kamenjaš i Općinski načelnik Zdravko Marošević.

Zaključena je rasprava i predsjedavajući OV stavio je na izjašnjavanje Izveštaj o realizaciji Programa rada Općinskog vijeća Vareš za prvo polugodište 2016. godine.

Nakon izjašnjavanja vijećnika predsjedavajući OV konstatuje da je jednoglasno (**18 glasova „ZA“**) usvojen

***Izveštaj o realizaciji Programa rada  
Općinskog vijeća Vareš za prvo polugodište 2016. godine.***

**Ad. 7.**

*(Informacija o stipendiranju i stipendistima  
općine Vareš u školskoj 2015/2016. godini.)*

Nije bilo rasprave po ovoj tački dnevnog reda i predsjedavajući OV konstatuje uz **Zaključak da je Vijeće primilo k znanju**

***Informaciju o stipendiranju i stipendistima  
općine Vareš u školskoj 2015/2016. godini***

**Ad. 8.**

*(Informacija o postignutom uspjehu u školskoj 2015/2016. godini u  
OŠ „Vareš, OŠ „Vareš Majdan i MSS „Nordbat-2“ Vareš.)*

Otvorena je rasprava u kojoj su svoje stavove, sugestije i mišljenja iznijeli vijećnici: Alma Kamenjaš, Elvir Rožajac, Branko Romić, Kruno Riđić, Nikola Šimić i Općinski načelnik Zdravko Marošević.

Zaključena je rasprava i predsjedavajući OV konstatuje uz **Zaključak da je Vijeće primilo k znanju**

***Informaciju o postignutom uspjehu u školskoj 2015/2016. godini u  
OŠ „Vareš, OŠ „Vareš Majdan i MSS „Nordbat-2“ Vareš***

**Ad. 9.**

*(Informacija o ostvarenoj saradnji i realizovanim projektima NVO sektora sa područja  
općine Vareš sa posebnim osvrtom na rad udruženja iz oblasti kulture i sporta.)*

Otvorena je rasprava u kojoj su učestvovali vijećnici Alma Kamenjaš i Nikola Šimić.

Zaključena je rasprava i predsjedavajući OV konstatuje uz **Zaključak da je Vijeće primilo k znanju**

***Informaciju o ostvarenoj saradnji i realizovanim projektima  
NVO sektora sa područja općine Vareš  
sa posebnim osvrtom na rad udruženja iz oblasti kulture i sporta***

**Ad. 10.**

*(Prijedlog Programa finansiranja komunalnih djelatnosti za 2017. godinu.)*

Ovlašteni predlagatelj nije imao dodatna pojašnjenja za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjenje Prijedlog Programa finansiranja komunalnih djelatnosti za 2017. godinu.

Nakon izjašnjenja vijećnika predsjedavajući OV konstatuje da je **jednoglasno (18 glasova „ZA“) usvojen**

***Program finansiranja komunalnih djelatnosti za 2017. godinu***



## Ad. 11.

(Tekuća pitanja.)

1. Predsjedavajući OV upoznao je Vijeće sa pristiglim zahtjevima i žalbama koji se odnose na korekciju cijene za isticane firmi (visina naknade komunalne takse) i to:

- zahtjev za korekciju cijene za isticanje firme TAXI-PRVOZNIKA (Šokić Mario, Čurtić Rejhan, Čizmo Mirzet i Fazlić Damir) dostavljena od strane taxi prevoznika 12.10.2016. godine,

- žalba na Odluku o općinskim komunalnim taksama-prečišćeni tekst dostavljena od strane Žutić Šemsudina vlasnik TRV servisa 26.10.2016. godine,

- žalba na Odluku o općinskim komunalnim taksama-prečišćeni tekst dostavljena od strane Brkić Elme vlasnik frizerskog salona „GLOOS“ 31.10.2016. godine,

- žalba frizerskog salona „ZORA“ vlasnik Tojić Zora od 09.11.2016. godine i

- žalba zanatske radnje „Šivenje odjeće „, vlasnik Tojčić Branka od 09.11.2016. godine.

Općinski načelnik Zdravko Marošević u svom obraćanju po ovoj problematici izjavio je da razumije probleme podnosioca zahtjeva i žalbi i da će obaviti razgovor sa njima kao i sa stručnim službama organa uprave, razmotriti njihov problem i izvidjeti da li postoji mogućnost povoljnog rješavanja istog i dolaženja do razumne visine naknade, o čemu će podnosioci biti i pismeno obaviješteni.

U raspravi su učestvovali i iznijeli svoja mišljenja i prijedloge vijećnik Kruno Riđić (koji je izjavio da podržava prijedlog Općinskog načelnika da se obavi razgovor sa podnosiocima zahtjeva i žalbi) i vijećnik *Mario Mirčić koji je predložio da se za narednu sjednici OV napravi izmjena ili potpuno nova Odluka o komunalnim taksama, pa da se vidi gdje se to može i koliko se može kojoj djelatnosti izaći u susret.*

Nije više bilo učesnika u raspravi i predsjedavajući OV na osnovu iznesenih prijedloga u raspravi stavio je na izjašnjavaње prijedlog

### **Zaključka:**

- **Zadužuju se Općinski načelnik i nadležna služba da na osnovu dostavljenih zahtjeva i žalbi pravnih i fizičkih lica o izmjeni tarifa komunalnih naknada, obave razgovor sa istim, razmotre i pripreme izmjene Odluke o komunalnim taksama i prijedlog iste dostave Vijeću na razmatranje za narednu sjednicu OV.**

Nakon izjašnjavaња vijećnika predsjedavajući OV konstatuje da **je jednoglasno (18 glasova „ZA“) usvojen predloženi Zaključak.**

2. Predsjedavajući OV upoznao je prisutne sa dopisom Vijeća roditelja OŠ „Vareš“ u Varešu od 17.11.2016. godine u kome traže postavljanje ležećih policajaca u blizini škole i Zahtjevom za postavljanje vertikalne signalizacije i prepreka na lokalnom putu ispred OŠ „Vareš Majdan“ broj: 01-398/16 od 03.11.2016. godine.

Općinski načelnik Zdravko Marošević javio se za riječ i izjavio da je odmah po preuzimanju dužnosti Općinskog načelnika upućen zahtjev nadležnim u kantonu za postavljanje ležećih policajaca i da je danas nadležnoj službi organa uprave naređeno da

pošalje nadležnim zahtjev za postavljenje prometne vertikalne i horizontalne signalizacije. Podsjetio je na problem i potrebu za postavljenjem iste na drugim dijelovima regionalnog puta o čemu je dao pojašnjenje.

Za riječ se javio gosp. Fahrudin Brkić ministar za prostorno uređenje, promet i komunikacije i zaštitu okoliša ZDK i u svom obraćanju upoznao je prisutne da su nadležni iz kantona na osnovu obilaska terena zaključili da se ležeći policajci mogu postaviti na tri mjesta na cesti u gradu i da će kod Direkcije za ceste ZDK urgirati da se čim steknu vremenski uslovi izvrši postavljanje ležećih policajaca. Ministar je također izjavio da će u narednom periodu aktivno se zauzeti u pomoći Općini Vareš.

**3.** Predsjedavajući OV upoznao je prisutne sa Molbom za rješavanje problema pasa lualica broj. 01-780/16 od 05.09.2016. godine dostavljenu od strane OŠ „Vareš“ u Varešu.

Općinski načelnik u svom obraćanju izjavio je da općina Vareš ima veliki problem kad su u pitanju psi lualice i da taj problem imaju i ostali gradovi. Veliki problem je i nedostatak finansijskih sredstava koja su potrebna za adekvatno zbrinjavanje pasa lualica i nedovoljna kontrola i kažnjavanje lica koja dovoze pse lualice sa drugih općina ali da će se Općina uključiti u rješavanje problema u skladu sa svojim nadležnostima i mogućnostima kako bi se isti ublažio.

U daljnjoj raspravi su učestvovali vijećnici Mirnes Ajanović, Elvir Rožajac i Općinski načelnik koji je dao odgovore i pojašnjenja u vezi diskusije vijećnika.

**4.** Predsjedavajući OV upoznao je prisutne sa Molbom za produženje radnog vremena u zimskom periodu dostavljenu od strane vlasnika ugostiteljskih objekata 17.11.2016. godine (UR „HB“, Caffè bar „MACHO“, UR „FALCON“, „PARIĆ“ d.o.o. Vareš, Caffè bar „ROMA“, Caffè bar „TINTA“, Fast food „SEKA“ i Caffè bar „BUMERANG“).

Općinski načelnik u svom obraćanju izjavio je da će razmotriti Molbu vlasnika ugostiteljski objekta i pokušati izaći u susret i iznaći rješenje koje neće biti trajno i onaj tko se ne bude pridržavao i poštovao pravila ponašanja bit će isključen iz takvih odluka.

Učešće u raspravi uzeo je i vijećnik Kruno Riđić koji je iznio stav Kluba SDP u vezi Molbe vlasnika ugostiteljskih objekata.

**5.** Predsjedavajući OV upoznao je prisutne sa Zaključcima Savjeta MZ Vareš Majdan broj: 03-15/16 od 03.11.2016. godine koji se odnose sječu šume na dijelovima iznad „Potoka Trifkovići“.

Općinski načelnik izvijestio je Vijeće da je upoznat sa ovom problematikom i da je obavio razgovor sa predstavnicima Mjesne zajednice Vareš Majdan, te da će obaviti i razgovor sa nadležnim iz ŠPD-a Zavidovići. Iznio je svoje mišljenje u vezi problema koji nastaju na području općine Vareš prilikom eksploatacije šume.

U daljnjoj raspravi učestvovali su vijećnici Kruno Riđić (predložio je *da Vijeće donese zaključak da se oni koji su prouzročili štetu krivično sankcionišu i plate štetu koju su napravili i da Općinski načelnik uz pomoć stručne službe pokrene akciju da se naša izvorišta ograde i zaštite*), Mirnes Ajanović (koji je izjavio da podržava prijedlog vijećnika Krune Riđić), Općinski načelnik Zdravko Marošević (koji je skrenuo pažnju da Općina Vareš ima u obavezi i da će skrenuti pažnju nadležnim organima i inspekciji na problem i štete koje nastaju prilikom eksploatacije šume na području općine Vareš) i predsjedavajući OV Kenan Kamenjaš koji je u svojstvu predstavnika PJ Šumarija Vareš dao neka pojašnjenja u vezi ove problematike.

6. Predsjedavajući OV upoznao je prisutne sa Zahtjevom MZ Pogar broj: P-35/16 od 24.11.2016. godine koji se odnosi na zabranu prometovanja motornih vozila zbog pojava udarnih rupa na lokalnom putu Bare-Križ.

Općinski načelnik javio se za riječ i izjavio da je upoznat sa problemom MZ Pogar koja se odnosi na oštećenje puta koje je nastalo usljed prometovanja teških motornih vozila, te skrenuo pažnju da je oštećenje nastalo i usljed neadekvatnog održavanja istog od strane nadležnih o čemu je dao pojašnjenje. Potrebno je da komunalni inspektor izađe na teren i sačini određene zapisnike.

7. Vijećnik Elvir Rožajac ispred stranke NS iznio je prijedlog da se iznos vijećničke naknade smanji na 150,00 KM. O iznesenom prijedlogu dao je pojašnjenje.

Općinski načelnik javio se za riječ i u svom obraćanju iznio svoje mišljenje da se ne slaže sa prijedlogom. O istom je dao pojašnjenje i još jednom skrenuo pažnju na racionalno trošenje budžetskih sredstava i način uštede istih.

U daljnjoj raspravi su učestvovali vijećnici Elvir Rožajac i Mario Mirčić.

Za riječ se javio vijećnik Đemo Kevrić koji je skrenuo pažnju da na osnovu određenih rasprava koje je vijeće vodilo pod tačkom Tekuća pitanja (problem sječe šume, oštećenje puta i drugo), Vijeće nije donijelo konkretan zaključak.

Općinski načelnik Zdravko Marošević javio se za riječ i izjavio da Vijeće treba donositi one zaključke koje može i realizovati i da će Općina Vareš uraditi sve što je u njenoj nadležnosti da riješi navedene probleme o kojima je Vijeće vodilo raspravu pod ovom tačkom dnevnog reda.

Predsjedavajući OV je na osnovu rasprave predložio i stavio na izjašnjavanje prijedlog

#### **Zaključka:**

**Zadužuju se Općinski načelnik i nadležne službe za upravu da uzmu u razmatranje i krenu u rješavanje problema sa kojima je Vijeće upoznato pod tačkom „Tekuća pitanja“ na Konstituirajućoj 1. sjednici OV održanoj 29.11.2016. godine, a odnose se na:**

- **Zahtjev za postavljenje „ležećih policajaca“ u blizini Osnovne škole „Vareš“, (dostavljen od strane Vijeća roditelja OŠ „Vareš“ u Varešu 17.11.2016. godine)**
- **Zahtjev za postavljanje vertikalne signalizacije i prepreka na lokalnom putu ispred OŠ „Vareš Majdan (dostavljen od strane direktora OŠ „Vareš Majdan 07.11.2016. godine),**
- **Zahtjev za zabranu prometovanja teških motornih vozila na lokalnom putu Bare-Križ (dostavljen od strane MZ Pogar od 29.11.2016. godine)**
- **Molba za rješavanje problema pasa lutilica u parku ispred Osnovne škole „Vareš“(dostavljena od strane direktora OŠ „Vareš“ u Varešu 05.09.2016. godine)**
- **Molba za produženje radnog vremena u zimskom periodu (dostavljena od strane vlasnika ugostiteljskih objekata UR „HB“, Caffe bar „MACHO“, UR „FALCON“, „PARIĆ“ d.o.o. Vareš, Caffe bar „ROMA“, Caffe bar „TINTA“, Fast food „SEKA“ i Caffe bar „BUMERANG“ 17.11. 2016. godine).**

- **Zaključci MZ Vareš Majdan koji se odnose na rješavanje problema sječe šume (dostavljen od strane savjeta MZ Vareš Majdan 04.11.2016. godine).**  
Nakon izjašnjavanja vijećnika predsjedavajući OV konstatuje da **je jednoglasno usvojen (18 glasova „ZA) predloženi Zaključak.**

Sastavni dio ovog Zapisnika je audio zapis sjednice.  
Sjednica je završena u 21 sati i 28 minuta.

**S E K R E T A R**

*Leon Pavlović*

**PREDSJEDAVALJUĆI**

*Kenan Kamenjaš*

**ZAPISNIČAR**

*Azra Ibrahimović*